



Abu Al-Mokhtar Sedia Menjawab

*Al-Shaykh Abdul Qadir al-Mandili*

dan Kitabnya

#### **yang Telah Heboh Diperkatakan Di Dalam Akhbar**

Saudara Saleh bin Muhammad Ali, Seremban, bertanya:

Baharu-baharu ini telah heboh diperkatakan di dalam akhbar

tentang sebuah kitab bernama (*Beberapa Mutiara yang Bagus*

*Lagi Indah*) karangan Syeikh Abdul Qadir al-Mandili

Makkah al-Mukarramah. Diharap tuan menerangkan sedikit

tentang kandungan kitab itu.

#### **Jawab**

Terlebih dahulu kita suka menerangkan tentang pengarang

kitab yang tersebut supaya bertambah jelas.

Beliau ialah Tuan Guru *al-Shaykh Abdul Qadir bin*

Abdul Mutualib al-Indonesi al-Mandili (berasal dari

daerah Mandailing Sumatra). Beliau terkenal sebagai seorang

alim ulama yang masyhur, dan masih mengajar di Masjid

al-Harām, Makkah al-Mukarramah. Oleh kerana lama bermastautinnya

di Tanah Suci maka beliau telah pun mengambil kerakyatan

Saudi – menjadi warganegara Saudi Arabia.

#### **Kitab-kitab Karangannya**

Kitab-kitab dan risalah-risalah yang telah dikarangnya – dalam

bahasa Melayu dan bertulis Melayu (Jawi) –

berjumlah sembilan belas buah, seperti berikut:

1. Islam Agama dan Kedaulatan (negara)
2. Pendirian Agama Islam Terhadap Kaum Feudal dan (Golongan-golongan yang Berdasarkan) Kapitalisme, Sosialisme dan Komunisme.
3. Sinaran Matahari Buat Penyuluh Kesilapan Abu Bakar al-Asy'ari Imam Besar di negeri Perlis Malaya.
4. Al-Mazhab atau Tiada Haram Bermazhab.
5. Senjata Tok Haji dan Tok Lebai (mengandungi doa-doa, zikir-zikir, khutbah-khutbah, dan lain-lainnya).
6. *Al-Khazā'in al-sunnīyah* (menerangkan kitab-kitab yang masyhur dalam mazhab Shāfi‘ī – berbahasa Arab).
7. *Tuhfat al-qāri al-Muslim* (hadith-hadith pilihan dari Ṣahīḥ al-Bukhārī dan Muslim – berbahasa Arab)
8. *Al-Asad al-mu‘ār li qatli al-tīs al-musta‘ār* (menerangkan hukum cina buta dalam empat mazhab)
9. (Bahaya) Memasukkan Kanak-kanak (Islam) ke Sekolah-sekolah Bangsa Kafir.
10. Perisai Bagi Sekalian Mukallaf (*‘Aqā’id al-Īmān* menurut mazhab salaf)
11. Penawar Bagi Hati (Ilmu Tasawuf).
12. Risalah menerangkan makna sabilillah yang mustahak akan zakat.
13. Iktikad Orang yang Percaya Akan Qur'an Dengan Turun Nabi Isa Pada Akhir Zaman.
14. Pembantu Sekalian Orang Islam (tentang Sampai Pahala Qur'an Kepada Orang Yang Mati).
15. Petunjuk Bagi Sekalian Umat (dalil-dalil

bagi *sunnat qabliyyah* Jumaat).

16. Bekal Orang yang Mengerjakan Haji (doa tawaf dan sai dan Arafah dan lain-lainnya) Bergantung Makna.
17. Pemberian yang Bagus Lagi Indah (hukum ihram dari Jeddah)
18. Persediaan Tuan Khatib (Khutbah Dua Belas) Dengan Bahasa Melayu.
19. Beberapa Mutiara yang Bagus Lagi Indah, Atau Beberapa Masalah yang Penting Lagi Mudah (yang telah heboh diperkatakan dalam akhbar baharu-baharu ini).

Kitab-kitab dan risalah-risalah ini – menurut keterangan pengarang dalam salah sebuah risalahnya – boleh didapati

dari pada pengarang di Makkah al-Mukarramah.

#### **Kitab yang Telah Diheborh<sup>1</sup>kan Di Dalam Akhbar**

Kitab ((Beberapa Mutiara yang Bagus Lagi Indah))

ini telah selesai dikarang oleh *Fadīlat al-Shaykh* Abdul Qadir al-Mandili di Makkah pada 9 Dhu al-Qa’idah 1379 (4 Mei 1960), dan telah dicetak di Mesir di Maṭba‘ah al-Anwār, pada 8 haribulan Ṣafar 1380.

Dalam kata-kata pendahuluan yang tersunting di dalam kitab ini, *al-Ustādh* Mohamad Idris Al-Marbawi (pengarang Kamus al-Marbawi yang masyhur), yang juga menjadi tuan punya Maṭba‘ah al-Anwār yang tersebut, berkata antara lain:

Saya “mengucap banyak syukur ke hadrat Tuhan yang Maha Mulia, kerana saya dapat menatap dan mentashih dan mengcap dengan alat cetak saya akan kitab ini.

Saya dapati kitab ini patut padan sangat-sangat namanya dengan segala isinya:

“Amboi! Girangnya hati saya, kiranya Allah Ta‘ālā meratai akan faedah isinya, serta sentiasa dikemukakan oleh bangsa Melayu khususnya, dan Muslimin umumnya. Iaitu kitab yang bernama:

((Beberapa Mutiara yang Bagus Lagi Indah, atau Beberapa Masalah yang Penting Lagi Mudah))

Yang telah dihimpunkan dia oleh tuan yang sangat alim daripada ulama Melayu, lagi yang cukup mahir di dalam segala ilmu syarak, tuan guru yang masyhur mengajar di dalam Masjid al-Harām, dan pengarang beberapa kitab ilmu syarak di dalam negeri Makkah al-Mukarramah. Iaitu *Sāhib al-Fadīlat al-Shaykh* Abdul Qadir bin Abdul Mutalib al-Mandili al-Indonesi kiranya dibanyakkan Allah Ta‘ālā ulama kita seumpamanya. *Fa jazāhu Allāhu ‘anna ahsanu al-jazā’ i wa mata ‘nā*

#### **BUKU2 RUMI**

*Pendidikan	...	...	...	\$1.20
*Akhlak	...	...	...	1.20
*Jalan ka-Kota Baharu	...	...	...	1.50
Penglipor	...	...	...	1.50
Panduan Pekedai2 Kechil	...			0.70
Balek Dari Medan Perjuangan	...			1.00
Sejarah Perak Dahulu dan Sekarang				2.00
Keris Sempena Riau	...	...		1.00
Tinjauan Sastera Tanah Ayer	...			1.50
Sisa Neraka Dunia	...	...		1.00

Buku A.BC. (buku bacaan) di-dalamnya  
tiga warna

\*Kala memesan hendak-lah sebutkan naskhah  
Rumi. Kerana buku ini ada naskhah Jawi-nya.

QALAM,  
356/358, GEYLANG ROAD,  
SINGAPORE 14.

<sup>1</sup> Perkataan sebenar ialah ‘dihebohkan’.

### Tujuan Mengarang Kitab Ini

Betulkah tujuan pengarangnya mengarang kitab ini kerana politik dan kerana memihak kepada satu parti siyasah yang tertentu di Tanah Melayu, sebagaimana yang dituduh oleh setengah-setengah orang di dalam akhbar?

Pertanyaan ini dapat diketahui jawapannya dalam pendahuluan pengarangnya yang tersunting di dalam kitab itu.

Antara lain, pengarangnya *Fadīlat al-Shaykh Abdul Qadir al-Mandili* berkata:

“.... Ini (ialah) beberapa pertanyaan dan jawabnya. Hamba himpukan dia kerana peringatan bagi hamba sendiri dan bagi saudara-saudara hamba yang baharu belajar. Hamba namakan dia dengan ((*Beberapa Mutiara yang Bagus Lagi Indah* ....)) akan Allah Ta‘ālā jua hamba pohonkan.... keredaan-Nya, dan (supaya) memberi manfaat Ia akan hamba dan akan sekalian saudara hamba Muslimin. *Innahu ‘alā kulli shay’in qadīr.*”

### Kandungannya

Kitab ini tebalnya 120 muka, dan mengandungi 14 bab, iaitu bab *al-Tawḥīd*, bab Hadith, bab Khurafat, bab Taharah, bab *al-Ṣalāh* (sembahyang), bab Jenazah, bab Jumaat, bab Zakat – Puasa – Haji, bab Muamalat, bab Nikah dan Talak, bab *al-tibb* (perubatan), bab *ta‘āmun wa sharābun wa libās* (makanan, minuman dan pakaian), bab Bermazhab (taklid), dan bab Siyasah (politik).

Dalam bab bermazhab, misalnya, beliau telah mengemukakan dan menjawab tiga masalah, iaitu:

- (1) Bermazhab apa hukumnya?
- (2) Taklid akan *ahl al-zāhir*.
- (3) Kaum Muda dan pengenalannya.

Tetapi masalah-masalah yang banyak sekali dikemukakan dan

dan dijawabnya satu persatu ialah dalam bab yang akhir (bab Siyasah). Di antara masalah-masalah yang tersebut ialah:

1. Apa hukum menceraikan agama daripada kedaulatan (pemerintahan negara – P.)
2. Menceraikan agama daripada kedaulatan itu haram kerana beberapa sebab.
3. Menceraikan agama daripada siyasah (politik) apa hukumnya?
4. Mula-mula yang menceraikan agama daripada politik.
5. Apa hukumnya masuk mana-mana parti, dan apa hukum orang-orang *muḥāyid* (berkecuali)?
6. Apa hukum berkongsi orang-orang Islam dengan orang-orang kafir pada memerintah orang Islam?
7. Adakah *bid‘ah dalālah* berkongsi orang-orang Islam dengan kafir pada memerintah orang Islam?
8. Haruskah perempuan-perempuan bersekutu dengan lelaki pada pilihan raya?
9. Haruskah perempuan-perempuan dipilih untuk menjadi anggota parlimen?
10. Kafir-kafir yang di dalam negeri Islam adakah dinamakan *kāfir harbī* atau *kāfir dhimmi*?

### Masalah Loteri

Dalam bab ini juga beliau telah mengemukakan masalah loteri dalam satu pertanyaan yang berbunyi:

Apa hukum loteri? Dan apa hukum membelanjakan wang loteri pada mendirikan masjid?

Bagi menjawabnya, beliau mengatakan loteri dan hasilnya itu haram dan tidak harus dibelanjakan untuk mendirikan masjid, dengan berdasarkan dalil Qur'an dan hadith serta huraian alim ulama yang kebilangan, yang dibentangkan di dalam kitabnya ini.